



## **Achomhairc maidir le scoláire a ligean isteach toisc go bhfuil ró-éileamh ar an scoil**

### Ceisteanna Coitianta

#### **1. An féidir liom achomharc a dhéanamh má tá diúltú rollaithe faighte ag mo pháiste toisc go bhfuil an scoil lán ?**

Is féidir, le halt 29 den Acht Oideachais, 1998 tá foráil d'achomharc i gcás go ndiúltaíonn bord bainistíochta, nó duine atá ag gníomhú thar ceann an bhoird bainistíochta (Príomhoide na scoile de ghnáth) cead scoláire a ligean isteach i scoil, má bhaineann cinneadh an diúltaithe leis an scoil a bheith ró-shuibscríofa.

Tá sé tábhachtach a bheith san airdeall, sula ndéanann tú achomharc, go gcaithfidh tú athbhreithniú ar an gcinneadh a iarraidh ar an mbord bainistíochta ar dtús (féach ceisteanna 2 go 5)

Chun achomharc a dhéanamh ní mór duit an fhoirm iarratais achomhairc ar Diúltú scoláire a ligean isteach i scoil, má bhaineann an cinneadh cead isteach a dhiúltú leis an scoil a bheith ró-shuibscríofa, agus tá an fhoirm ar fáil ó láithreán gréasáin na Roinne Oideachais agus Scileanna.

#### **2. Cathain a dhéanaim achomharc?**

I ngach cás inar diúltaíodh cead isteach i scoil toisc an scoil a bheith ró-shuibscríofa agus gur mian leat achomharc a dhéanamh i gcoinne chinneadh na scoile **caithfidh** tú athbhreithniú a lorg ar dtús ó bhord bainistíochta na scoile. Caithfear an t-iarratas seo a dhéanamh i scríbhinn chuig bord bainistíochta na scoile laistigh de 21 lá féilire ó dháta an chinnidh cead isteach sa scoil a dhiúltú.

Tabhair aird: meastar le scoláire nár tugadh áit dó/di sa scoil agus atá ar liosta feithimh gur diúltaíodh áit scoile don scoláire sin.

Caithfidh an bord bainistíochta toradh d'iarratas ar athbhreithniú a chur in iúl duit laistigh de 42 lá féilire ó dháta an chinnidh cead isteach sa scoil a dhiúltú.

Féadfaidh tú achomharc a dhéanamh nuair a bhíonn toradh an athbhreithnithe ón mbord faighte agat nó tar éis 42 lá féilire ó rinneadh an cinneadh cead isteach a dhiúltú (cibé acu is luaithe). Ní mór, áfach, d'achomharc a dhéanamh laistigh de 63 lá ó dháta an chinnidh cead isteach sa scoil a dhiúltú.

#### **3. Conas mar a éilím Athbhreithniú ón mbord bainistíochta?**



Is féidir athbhreithniú a iarraidh i scríbhinn nó Foirm Athbhreithnithe Scoile (ar féidir í a [íoslódáil ó láithreán gréasáin na Roinne](#)) a chomhlánú go hiomlán agus a chur isteach chun tús a chur leis an gcéim seo den phróiseas. **Tabhair aird - caithfear an fhoirm seo a sheoladh chuig bord bainistíochta na scoile.**

Caithfidh d'iarratas ar athbhreithniú chuig an mbord bainistíochta:

- (i) a bheith bunaithe ar chur i bhfeidhm bheartas ligean isteach na scoile agus an t-ábhar atá i bhfógra ligean isteach bliantúil na scoile agus
- (ii) na forais a bhaineann leis an éileamh ar athbhreithniú a bheith leagtha amach.

#### **4. Cad a tharlaíonn ag Athbhreithniú an Bhoird Bhainistíochta?**

Déanfaidh an bord bainistíochta athbhreithniú ar d'iarratas ligean isteach agus, ar a dhéanaí laistigh den 42 lá féilire ó dháta an chinnidh ligean isteach chun na scoile a dhiúltú, eiseoidh an bord bainistíochta:

- (a) Ráiteas ag deimhniú nach raibh aon earráid nó teip ina chinneadh rollú a dhiúltú nó
- (b) Ráiteas ag deimhniú go raibh earráid nó teip ina chinneadh agus an raibh éifeacht ábhartha ag an mbotún sin ar thoradh d'iarratais

Má tharlaíonn go n-eisíonn an bord bainistíochta ráiteas ag (b) thuas, agus go raibh éifeacht ábhartha ag an teip nó an earráid atá i gceist ar thoradh an iarratais ligean isteach, caithfidh an bord a earráid nó a mhainneachtain a cheartú tríd an scoláire a ligean isteach sa scoil nó sa rang speisialta, más cuí, nó má bhain an earráid nó an mhainneachtain leis an rang-ord ar an liosta feithimh caithfear rang-ord an scoláire ar an liosta feithimh a choigeartú.

#### **5. Cad a tharlóidh tar éis dom toradh an Athbhreithnithe ag an mBord Bainistíochta a fháil?**

Tar éis an athbhreithnithe ón mbord bainistíochta féadfaidh tú, más mian leat, achomharc a dhéanamh chuig coiste achomhairc neamhspleách atá ceaptha ag an Aire Oideachais agus Scileanna. Caithfear an t-achomharc seo a dhéanamh laistigh de 63 lá féilire ó dháta an chinnidh ligean isteach sa scoil a dhiúltú. **Tabhair aird** - tagraíonn sé seo do dháta an chinnidh rollú a dhiúltú agus ní do dháta eisiúna thoradh an athbhreithnithe.

Ní mór duit an fhoirm iarratais, atá ar fáil ar ár láithreán gréasáin ag an nasc seo a leanas, a chomhlánú agus í a sheoladh chuig an seoladh ar an bhfoirm. Caithfear iad seo a leanas a chur isteach le d'fhoirm iarratais:



- (i) Cóip de d'iarratas bunaidh ar chead ligean isteach sa scoil agus aon doiciméid a chuir tú isteach le d'iarratas
- (ii) Cóip den chinneadh a fuair tú i dtosach ón scoil
- (iii) Cóip d'aon fhreagairt ón mbord bainistíochta ar d'iarratas ar a chinneadh a athbhreithniú

## **6. Conas a dhéantar athbhreithniú?**

Más í an chúis a bhain leis an diúltú ar chead isteach go raibh an scoil ró-shuibscríofa, is achomharc páipéar bhunaithe a bheidh i d'achomharc. Nuair a bhíonn an fhoirm iarratais ar achomharc comhlánaithe (mar aon leis an eolas atá leagtha amach in 5 thuas) faighte, cuirfidh an tAonad Riaracháin Achomhairc Alt 29 in iúl go bhfuil sé faighte, agus cuirfear in iúl don scoil atá i gceist freisin go bhfuarthas achomharc.

Féadfar iarraidh ar an iarratasóir agus ar an scoil freisin aon fhianaise agus ábhair a cuireadh ar fáil, agus a rabhtas ag brath orthu nuair a rinne an scoil an cinneadh ligean isteach a dhiúltú, a chur isteach faoi dháta ar leith.

De ghnáth, déanfar an t-achomharc a iniúchadh laistigh de 21 lá féilire ón dáta a bhíonn iarratas achomhairc lán-chomhlánaithe faighte ag Aonad Riaracháin Achomhairc alt 29.

Déanfaidh Coiste Achomhairc trí dhuine, arna cheapadh ag an Aire, an t-achomharc a bhreithniú, agus ceapfar duine de bhaill an choiste mar Chathaoirleach ar an gCoiste Achomhairc.

## **7. Cé a dhéanfaidh m'achomhairc ar alt 29 a athbhreithniú?**

Ceapann an tAire Oideachais & Scileanna baill an choiste achomhairc ach tá an coiste achomhairc neamhspleách ar an Roinn Oideachais & Scileanna.

Cuimsíonn painéal na gceapaithe daoine le taithí agus eolas ar earnáil an oideachais.

## **8. Cé na torthaí a d'fhéadfadh teacht ón achomharc?**

Déanfaidh an coiste achomhairc cinneadh

- (a) an t-achomharc a cheadú nó
- (b) gan an t-achomharc a cheadú.

Má cheadaíonn an coiste an t-achomharc, treoróidh siad don bhord bainistíochta an scoláire a ligean isteach nó rangú an scoláire ar an liosta feithimh a choigeartú, cibé acu is cuí.



Cuirfear toradh an achomhairc, lena n-áirítear na cúiseanna a bhaineann le cinneadh an choiste achomhairc, in iúl do dhá pháirtí an achomhairc, a luaithe is féidir tar éis na héisteachta achomhairc.

## **9. Cad a tharlaíonn muna gceadaítear m'achomharc?**

Is é Seirbhísí Tacaíochta Oideachais Tusla (TESS) an comhlacht dlí a chabhraíonn le tuismitheoirí a bhfuil deacrachtaí acu áit scoile a fháil dá leanbh. Is féidir sonraí faoi d'oifig réigiúnach áitiúil a fháil ag <https://www.tusla.ie/tess/get-in-touch/>

## **Ceisteanna ginearálta maidir le cead isteach agus an próiseas achomhairc**

### **10. Conas mar is féidir liom eolas a fháil faoi bheartas agus faoi phróisis iontrála na scoile?**

In Alt 63 den Acht Oideachais 1998, ceanglaítear ar gach bord bainistíochta Fógra Ligean Isteach a ullmhú agus a fhoilsiú gach bliain. Caithfear an fógra seo a fhoilsiú ar láithreán gréasáin na scoile ar a laghad seachtain sula dtosaíonn an scoil a próiseas iontrála bliantúil.

Caithfidh an fógra mionsonraí a sholáthar faoin tslí inar féidir cóip de bheartas iontrála na scoile agus an fhoirm iarratais ar ligean isteach a fháil.

Caithfidh an fógra an t-eolas seo a leanas a sholáthar maidir leis an bpróiseas ligean isteach do ghrúpa iontrála na scoile don scoilbhliain atá i gceist:

- An dáta ina dtosóidh agus ina gcríochnóidh an scoil ag glacadh le hiarratais ar ligean isteach sa scoil don scoilbhliain atá i gceist (caithfear tréimhse 3 seachtaine ar a laghad a bheith ann)
- An dáta a chuirfear in iúl don iarratasóir faoin gcinneadh maidir leis an iarratas (caithfidh sé seo a bheith laistigh de 3 seachtaine ón spriocdháta, nó laistigh de 3 sheachtain ó dháta an iarratais, d'iarratais dhéanacha)
- An dáta/tréimhse faoina ndeimhneoidh an t-iarratasóir glacadh leis an tairiscint ar ligean isteach
- Féadfar an tairiscint sin a tharraingt siar mura nglacann an t-iarratasóir leis an tairiscint ar ligean isteach laistigh den tréimhse ama atá leagtha amach
- Maidir leis an scoilbhliain atá i gceist-
  - An líon áiteanna scoile atá ar fáil sa ghrúpa iontrála,



- I gcás scoil chónaithe, an líon áiteanna cónaithe agus an líon áiteanna neamhchónaithe atá ar fáil
- I gcás scoile le rang speisialta, an líon áiteanna scoile atá ar fáil sa rang speisialta atá i gceist
- I gcás scoile ina raibh an grúpa iontrála nó an rang speisialta ró-shuibscríofa sa bhliain roimh ré, caithfidh an fógra ar ligean isteach ráiteas a bheith san áireamh a thugann le fios líon na n-iarratas a fuarthas agus líon agus ord na dtairiscintí a rinneadh sa scoilbhliain sin maidir le gach ceann de chritéir roghnúcháin na scoile
- I gcás scoile ina bhfuil tairiscintí déanta agus glactha don scoilbhliain atá i gceist, sula dtugtar tús feidhme d'alt 62 (is é sin, roimh 1 Feabhra 2020), is cóir don scoil an líon áiteanna dá leithéid a tairgeadh agus a glacadh a chur in iúl.

Tá Ceisteanna Coitianta breise maidir leis an Acht um Oideachas (Ligean isteach i Scoileanna) 2018 ar fáil ar láithreán gréasáin na Roinne ag an nasc seo a leanas <https://www.education.ie/ga/Tuismitheoir%C3%AD/Eolas/Roll%C3%BA-Scoile/Ligean-isteach-CC.pdf>

### **11. An féidir liom m'achomharc a tharraingt siar?**

Sea, is féidir leat d'achomharc a tharraingt siar am ar bith le linn an phróisis trí ríomhphost a chur chuig [section29@education.gov.ie](mailto:section29@education.gov.ie)